

**E meta di Premio Padu del
Caribe ta na horizonte...
Caiman Records ta hopi
interesa den
Cesar Olarte**



**** Aki por aprecia e momento cu Cesar Olarte ta ricibi e "business card" di Fernando Beltran, pa asina nan por keda den contacto..**

Angela's
NAIL STUDIO

Specialized in:

- Full Set Acrylic Nails
- Refills & Acrylic
- Manicure
- Pedicure
- Polish Change
- Nail Art New Magic Feather Brush and Air Brush

**Call for an
Appointment
84.44.93**
Weg Kust Batterij 21-A,

EXECUTIVE CHEF

**Required for a multi units
Restaurant Company**

**We are looking for a
professional Chef
capable of managing
the food operation
of 4 different restaurants.**

**Please call Roger Coster at
820184 for an interview**

**** E posibilidadnan ta hopi grandi pa Cesar Olarte ser lansa muy pronto como un artista internacional bao di e prestigioso seyo Caiman Records. Durante e Premio Padu del Caribe, Cesar Olarte su presentacion a haci un impacto grandi riba Fernando Beltran kende ta e vice presidente di Caiman Records, cual compania ta representante di Chichi Peralta y Son Familia.**

Fernando Beltran a bin specialmente Aruba pa ta presente hunto cu Chichi Peralta durante e entrega di Premio Padu del Caribe. Hunto cu Chichi Peralta tambe a viaha su dos cantantenan Jandy y Rene y tambe nan manager Salvador Urdanavia. Nan tur a keda sumamente impresionado cu e talento di Cesar Olarte, kende segun Fernando Beltran tin tur e ingredientenan pa ser un tremendo artista riba tereno internacional.

Fernando Beltran a manda DEN AMBIENTE busca Cesar Olarte inmediatamente despues cu Cesar Olarte a termina cu su presentacion, den cual porcierto e la ser galaradona cu dos premio. Cantante di Aña y Cancion di Aña cu su bunita cancion "Doño y Esclavo".

Fernando Beltran a pidi Cesar Olarte su CD, pa asina e por bay studia e posibilidadnan pa lansa Cesar Olarte como artista internacional bao di e seyo Caiman Records. DEN AMBIENTE por a compronde cu Cesar Olarte e mesun anochi a bay te na La Cabana All Suite Resort pa entrega Fernando su CD "Pordonami".

Na salida di Fernando Beltran na aeropuerto rumbo bek pa Miami, el a duna DEN AMBIENTE di conoce cu den avion mes e lo bay seucha henter e produccion, pa asina den un tempo corto bay studia e posibilidadnan pa lansa Cesar Olarte como un artista internacional pero den un estilo unico. E impresion cu DEN AMBIENTE por a saca for di e alto cheecutivo di e renombrante Cajman Records, ta indica cu e ta hopi interesa den Cesar Olarte, kende realmente a haci un impacto grandi riba su persona.

**Hopi interes pa e show
Super Romantico**

**Ayera e carchinan
a cuminsa supla**



Julius Andre lo estrena y bautisa su CD "E Promesa Riba bo Dia"...

ORANJESTAD (AAN): For di e organizadornan DIARIO por a compronde cu tin un interes hopi grandi pa e show super romantico, cual lo bay tuma lugar dia 29 di april proximo den Caiqueto Entertainment Center.

Debi cu pa motibonan di fayo di coriente, te cu ayera e caarchinan a bin ela. For di momento cu e aviso a sali den DIARIO y e propagandananan a cuminsa skeiro na Top Fm 95, Radio Galactica y Magic 96.5, hopi hende a basha pa bay cumpra nan caarchi y mester a constata cu no tabata tin caarchi. Ta pesey mes e organizadornan ta pidi un disculpa pa esaki, debi cu na e compania cu mester a druk e caarchinan, nan a confronta problema cu nan machine pa motibo di fayo di coriente.

Pero for di avemainta tempran caba tur hende por haya nan caarchi cumpra na Galeria Moderna y Joey's Driv Inn na rason di 20 florin como prebenta, mientras cu diaranson anochi na porta e lo ta 25 florin.

Pa e anochi aki ta ser spera un publico grandi, ya cu e dos mihor gruponan di mariachi na Aruba lo ta presente, esta Mariachi Lirios del Campo y Mariachi Perla di Aruba, kendenan unda cu nen bay, nan tin un publico grandi cu ta siguinan. For di Boncero lo ta presente e gran cantante Julius Andre, kende lo estrena y bautisa su CD y lo ser acompaña pa Mariachi Lirios del Campo, mientras cu Mariachi Perla di Aruba lo baha cu su estreynan: Yolanda v/d Linde, Marcelino Paesch, Sherida Paesch, Roland Angela y tambe Cesar Olarte. Tambe pa hasi e anochi aki super romantico, e legendario Trio Huasteca kendenan tambe tin un gran fanaticada. Lo bay duna un concierto cu lo bay pone tur hende haya "kippevel".

Tur cos ta muestra cu pa diaranson awor bispo di aña di La Reina, cosnan lo bay ta super romantico den Caiqueto Entertainment Center.